

TOUCHER

CENTURION ROLBALKLUB

CENTURION BOWLS CLUB

www.centurion.bowls-club.co.za

secretary@centurion-bowls.co.za

NUUSBRIEF / NEWS LETTER

September

2022

September

Tyd het verskillende betekenis vir verskillende mense. Vir sommige is dit 'n luukse en vir ander 'n ewigheid.

Tyd vlieg, dis 'n waarheid, so waar dat dit, volgens Koos van der Merwe, in die Bybel aangeteken kon gewees het. Vir Centurion Rolbalklub het die tyd ook nie stilgestaan en vier ons vanjaar die klub se 50ste bestaansjaar. Hierdie geleentheid gaan ons op 30 September vier, met danbaarheid en swier!



Verwoerdburg Rolbalklub, is op 9 November 1972 in die skoolsaal van Louis Leipoldt gestig met Hennie v Zyl as die voorsitter. Eddie Atkins het aan die hoof gestaan van die bou van die bane en hierdie twee baanbrekers word vandag nog steeds vereer deur die bane wat na hulle vernoem is. Wat 'n voorreg om lid van Centurion Rolbalklub te wees.

Die nuwe seisoen waarna ons met verwagting uitgesien het, het afgeskop en mag dit 'n seisoen wees waar almal sal saamspan om die finansiële uitdaging wat ons in die oë staar, die hoof te bied.

BESTUURSKOMITEE

Tydens die afgelope Algemene Jaarvergadering op 20 Augustus is die volgende ampsdraers verkies:



President:*Bosman Olivier***Visie President:***Jurg Odendaal.***Sekretaresse:***Hermien Velleman***Tesouriere***Marieta Fourie***Klubhuis-
bestuurder***Pieter Brits***Kroeg-
bestuurder***Johan le Roux***Gasvryheids-
bestuurder***Liezel Loock***Rolbalontwikkeling.***Leon Smith***Sameroepers keurkomitees***Hannes Botha. Marsha Greyling.***Klubkompetisies:***Herman du Plessis. Thea Opperman***Administratiewe-
beampte:***Dalina Brits***Toucher:***Gerrit Kamper.***Kommunikasie:***Dawie Hanekom*

Ondersteun asseblief die bestuur en laat bedagsaamheid die as wees waar om ons aksies draai. Hulle offer vrywilliglik hulle tyd en energie op en verdien te alle tye ons respek.

Perke

Bertus v Rensburg doen uitstekende werk met die versorging van ons bane en ons sê baie dankie. Die bane is die hartklop van ons klub en as die bane in 'n goeie toestand is, kan spelers die spel geniet, hetsy sosiaal of kompetierend..

Klub Kompetisies 2021-2022 Seisoen

Wenners en Naasweners

Victrix Ludorum



Maria Steyn

Victor Ludorum



Herman Du Plessis

Beste vordering



Elize du Plessis



Jaco Immelman


Mans:

Ope Enkelspel



Herman du Plessis

Beginners Enkelspel



Ernst Muller

Snr Mans Enkelspel



Frans Human

Naasweners:

Wim van der Waals

Duo Oosthuizen

Wim van der Waals

Gekose Pare



*Ted Harley
Matie Stander*

Gelote Driespel



*Tian Pietersen
Herman du Plessis
George Loock*

Gelote Vierspel



*Frans Human, Hannes Botha,
(Gert Cloete, Andries Noëth)*

Naasweners:

*Hannes Botha
Wim vd Waals*

*Ted Harley
John Pereira
Jaco Immelman*

*Wim vd Waals, Bosman Olivier,
John Pereira, George Loock*

Herman bedank graag al die lede vir hulle bereidwilligheid om deel te neem aan die Klubkompetisies, asook die kompeterende en sportiewe gesindheid waarmee al die kompetisies afgehandel is.

Persistence and determination is always rewarded.

Dames

Ope Enkelspel



Tillie Kamper
Naasweners:
Hermien Velleman

Beginners Enkelspel



Maria Steyn

Zinda Muller

Snr Dames Enkelspel



Maria Steyn

Cathy Austen

Gekose Pare



Cathy Austen
Marsha Greyling

Gelote Driespel



Thea Opperman
Freda Cloete
Linda Kleingeld

Gelote Vierspel



Cathy Austen, Marsha Greyling,
Maria Steyn, Tillie Kamper

Naasweners:

Isa Theron
Hermien Velleman

Dorina du Plessis
Tillie Kamper
Louie Weber

Annie Marais, Isa Theron,
Dawn de Beer, Hermien Velleman

Gemengde Gekose Pare:



Herman en
Elize du Plessis


Naasweners:

Cathy Austen
Willem van Zyl

Dit was pragtige, spannende en naelbyt kompetisies. Baie tellings was 21-18, 21-20 ens. Baie dankie aan al die dames wat onder moeilike omstandighede en met 'n baie goeie gees deelgeneem het. Dit was 'n plesier om met julle almal saam te werk. Doen so voort dames!!!

Spesiale Toekennings:

Lede wat die afgelope seisoen 'n besonderse bydrae tot die Klub se aktiwiteite gemaak het en werklik die spreekwoordelike ekstra myl geloop het. Baie Dankie.



Leon Smith



Robina Anderson

Tye vir skyfies in:

Dinsdae - gemengde spel, skyfies in 09:15 vir 09:30

Donderdae - gemengde spel, skyfies in 09:15 vir 09:30

Saterdag - gemengde spel, skyfies in 13:15 vir 13:30

Spel word Saterdag in klubdrag gespeel en gewone drag vir die ander dae. Vir klubwedstryde en klubfunksies trek ons ook klubdrag aan.

Ledegeld en ander inbetalings wat betaal word moet. As verwysing gebruik jou naam en van asook waarvoor jy die betaling maak. Dit sal die Tesouriere se taak aansienlik vergemaklik.

Klubfooie moet verkieslik direk in die Klub se bankrekening inbetaal word asb:

Bankbesonderhede:

Centurion Rolbalklub

ABSA Centurion

Tjekrekeningnr: 405 332 3178

Takkode: 632005

Ledegeld plus BGN affiliasiefooie van R490 is ten volle betaalbaar teen 31 Oktober 2022.

(Kategorie: ouderdom soos op 1 Julie 2022)

Kategorie	Ledegeld	Affiliasie	Totaal
Getroud bo 75	1910.00	490.00	2 400.00
Enkel bo 75	1970.00	490.00	2 460.00
Getroud onder 75	2120.00	490.00	2 610.00
Enkel onder 75	2180.00	490.00	2 670.00

NB. Getroude persone: Albei moet lede van die klub wees om te kwalifiseer.

Spesiale reëlins vir afbetaling kan met die Tesouriere gereël word.

Kontak Marieta Fourie by: secretary@centurion-bowls.co.za of

Marieta.fourie@dustaside.com

Tact is the art of making a point without making an enemy.

BOEKE

Is in die boekrakke en jy kan gerus daar snuffel vir iets om te lees. Daar is 'n kassie waarin jy R5 per boek moet ingooi. As jy klaar gelees het, bring die boek asseblief terug sodat iemand anders ook die leesgenot daarvan kan hê. Baie dankie Judy vir die versorging van ons boeke.

Without friends you are like a book nobody bothers to pick up.

Lief en Leed

Elize Du Plessis ondergaan behandeling.

Thea gaan die 20ste vir 'n jelinspuiting in die knie en heup. Sterkte, hoop dit bring verligting..

Hendrina sterk mooi aan na haar operasie maar het nog 'n lang herstelpad wat voorlê

Anita het geval en sal 'n rukkie buite aksie wees.

Ted is opgeneem in die hospital vir 'n long problem.

Beterskap en sterkte vir julle.

Ons innige simpatie Wilma met die afsterwe van jou broer.

Baie dankie aan al die manne wat so fluks was om vir die dames vrouedag ekstra spesiaal te maak. Julle het baie punte verdien met julle potjies!!

It is not joy that makes us grateful It is gratitude that makes us joyful.

JAAREINDFUNKSIE is geskeduleer vir 10 Desember 2022

BUDDY-DAG/FAMILIEDAG is geskeduleer vir 1 Oktober wanneer albei bane speelbaar behoort te wees.

KLEINJAN

Hi Ma

Ek is mos nou 'n lit van die rolbalkklub. Dit beteken dat ek nou drie keer 'n week mag speel. Ons het twee parkerings hierso. Een is op die teer in die son, en die ander is onder die bome op die gras. In die somer is dit te warm om op die teer te parkeer, dan stop almal onder die bome. Dan moan almal omdat die voëls hulle karre pers beskryt.

Van die tannies kan ook nie mooi parkeer nie, dan word Oom Santa Bosman kwaad, want hulle stop waar drie karre kon stop.

Die klub is nou baie gelowig want daar is nou twee dominees wat ook hier speel. Die een se naam is E-mail en die ander een is Johan, maar ek noem hom Johannes want daar is al te veel Johanne by die klub. Dominee E-mail help die tannies wat nie kan parkeer nie.

Van die ooms hier praat ook nou baie mooier as hulle balle skeef rol of in die sloot land.

Ds E-mail was saam met die nuwe onder-baas, Jig; die Kampeerders; Erens en sy vrou, Zinzan; Tarsus, en Johnny Forever na 'n rolbalnes toe in die berge. Hulle het geleer hoe om nuwe kleure strepe op ons bane te verf. Hulle wil ook hê dat almal nou moet PT doen voor hulle speel.

Ma, hier is mense wat baie ouer as ma is. En hulle wil hê dat ek hulle nie moet "oom" en "tannie" nie. Oom Tiny sal my darem hard klap as ek hom begin "Tiny". Die oudste litte in die klub is tannie "ên" en oom "Jon". Hulle was in die groot oorlog wat Hitler verloor het.

Hulle is al amper 90. Dan is daar 'n klomp tannies en ooms wat al 80 verby is; Oom Kas Landmens en Oom Daan (hy was James Bond vroeër jare), en hulle mag in krokodilvelskoene speel.

Oom Dawid Hanegom is ook al oud, maar hy maak nog somme om vir Maer Rita, wat die klub se geld "run", te help. "Beautiful" tannie Annie, en tannie Korsie Maer-ê, is al ook in die klub wat met krokodilvelskoene mag speel, maar hulle doen dit nie.

Hulle het een van ons bane toegegooi met grond. Ek dink hulle wil iets plant. Ek het 'n paar pampoensade van die plaas wat ek in die woonstel gehou het, skelm gaan plant.

Hulle het ook 'n groot "party" gehou en 'n streng vergadering. Mens noem dit Jarre se vergadering en pryse-gee "party". Dan praat Oom Santa Bosman lank en vertel alles wat die jaar gebeur het. Dan kom 'n Oom Appie en praat nog meer oor die geld wat ons nie in die klub het nie. Baie mense luister mooi maar ander kry genoeg wyn om hulle besig te hou terwyl die base praat.

Dan is dit soos die laaste dag van die jaar by die skool. Mense kry bekere en papiere wat sê wat hulle gewen het in die jaar. Dan word hulle kiekies geneem en dit kom in Tannie Maer-I Vuurklip se koerant. Die koerant se naam is "Tougher". Almal wat bekere gewen het, moes dit weer teruggee, en ek het weer niks gekry nie.

Haarman (dis die prof se man) is gekies as die Vikter Liddoring, en Maer Ria was die Bigtrieks Liddoring. Vikter en Bigtrieks is amper soos die Doeks kinnere op skool, maar net in rolbal. Hulle hoef nie toetse te geskryf het nie. Hulle name word ook op die klubhuis se muur gevef.

Ek gaan hierdie jaar ook in die wedstryde van die klub speel, maar omdat ek nog nuut is, gaan ek net in die Novisses speel. Novis is iemand wat nog nuut is, en nog baie Rong-Baiesis rol.

Dis al laat, so ek gaan nou maar slaap. Ma moet groete stuur vir Oom Tiny en Tannie Maggels Poep. Sê vir hom ek het nog nie vrou hier gekry nie, maar ek gaan nie ophou soek nie. Hy sê mos altyd daar is 'n slot vir elke pot.

Groete

Kleinjan

Avoiding certain people to protect your emotional health is not a weakness. It is wisdom.

BEDANK AS LEDE

Eric Oosthuizen
Duo en Gerda Oosthuizen
Kobus Nieuwoudt
Koos Moolman
Andries Noëth
Chris vd Merwe

Rob du Preez
Alta van Wyk
Gerhard Mostert
Ben de Lange
Will Naude

A bad attitude is like a flat tyre, you can't go anywhere until you change it.

NUWE LEDE

Hartlik welkom aan almal. Skakel in by die bedrywighede van die klub en julle sal gou tuis voel.

Louwtjie de Jager, Magda en Harm Timmerman, Stani en Magdalena Antonites, Piet Swemmer, Barend Lundie, Yvonne en Eidel Bock en Rudi Mouton.

NAAMBALKIES: ons vra dat lede hulle naambalkies sal dra. Daar sal 'n lys op die bord wees waarop jy jou naam kan plaas indien jy een wil bestel of praat met Hermien. 082 745 3931

KLUBDRAG.

Praat met Hermien indien julle klubdrag benodig.

Afrigtingskliniek by The Nest hotel in die Sentraal-Drakensberg

Agt-en-sestig rolbalspelers van regoor Suid-Afrika, waarvan agt van ons Rolbalklub, het die mees onlangse Rolbalafrigtingskliniek wat vanaf 29 Augustus tot 1 September 2002 by The Nest hotel in die Sentraal-Drakensberge aangebied is, bygewoon. Die kliniek vind drie tot vier keer per jaar plaas.

Gerrit, Tillie, Ernst en Zinda het voorheen die kliniek bygewoon terwyl dit John, Emile, Tertius en Jurg se eerste blootstelling aan so 'n geleentheid was. Die Afrigtingskliniek is



deur twee bekendes in die Suid-Afrikaanse rolballandskap, Theuns Fraser en Simon Botha, aangebied. Theuns het vir die Proteas gespeel en het onderskeidelik 'n Bronsmedalje by die 1996 Wêreldrolbalkampioenskappe en Brons- en Silwermedaljes by die 1998 en 2002 Statebondspele gewen. Hy was ook vanaf 2008 tot 2018 die Hoofafrigter van die Protea-rolbalspan. Simon Botha was afrigter van beide die Protea-rolbalspan en die nasionale rolbalspan na Maleisië.

Die afrigtingskliniek by The Nest strek oor 'n periode van vier dae en fokus o.a. op die rolbalgreep, afleweringstegniek, lynspel, gewigsbeheer, die speel van verskillende skote, die rolle van die verskillende spelers in die span, taktiek, strategie, hoe om 'n rolbalkop te lees asook rolbaletiket. Sterk klem is op respek gelê - respek vir die baan, vir jou spanmaats en vir jou opponente.

Voorsiening word vir beide beginners en gevorderde rolbalspelers gemaak en vanaf die tweede dag van die kliniek word die groep in twee verdeel, juis om dit reg te kan kry. Theuns en Simon het hulle besonder goed van hulle taak gekwyd en ons groep het geweldig baat by hierdie afrigtingskliniek gevind. Een van ons groep wat daar was het

dareem agterna tong in die kies genoem dat die uitkoms van so 'n kliniek hom na die uitkoms van addisionele wiskundeklasse laat dink - die resultate daarvan mag dalk nie onmiddelik sigbaar wees nie, maar verder vorentoe behoort dit beslis 'n sterk bydrae tot die spelpyl van die ouens wat daar was te lewer!

Dit was werklik 'n ervaring om na al Theuns en Simon se weerdervaringe in die rolbalwêreld te luister en om blootgestel te word aan die spektrum van oefeninge wat in die afrigting van nasionale spanne gebruik word - wat ook jou spel kan verbeter. Ek glo dat Ernst beslis van die nuwe oefeninge in die Dinsdagmiddag-sessies by die klub, gaan inbou.

Die groep van ons klub wat daar was het heerlik tydens ontbyt, aandete, teetye en tussendeur gekuier en het mekaar sommer heelwat beter leer ken. Die akkommodasie by The Nest het verras en die etes, wat uit een of twee voorgeregte, 'n keuse van hoofgeregte en nageregte bestaan, was heerlik en het definitief tot 'n feestelike atmosfeer in die hotel se restaurant bygedra. Nuwe vriende is met rolbalspelers van klubs uit verskeie provinsies gemaak en uitnodigings om by ander klubs te kom speel wanneer 'n geleentheid hom sou voordoen, is oor en weer gemaak.


Die omgewing waarin The Nest hotel in die Sentraal-Drakensberge geleë is, met Cathkin Peak in die agtergrond, is pragtig en bied 'n uitstekende geleentheid om rolbalafrigting deur kundiges op die gebied, met 'n heerlike vakansie te kombineer. Gesels asseblief met die groep wat daar was indien jy meer inligting oor hierdie afrigtingskliniek benodig.



Jurg Odendaal

Ons nuwe baanmerkmasjien.

Ernst het die voortou geneem in die verkryging van 'n nuwe masjien waarmee ons rolbalbane vorentoe gemerk sal word. Die masjien is deur Theuns Fraser, wat die organiseerder en aanbieder van die Rolbalafrigtingsklinieke by the Nest in die Sentraal-Drakensberge is, ontwerp en is plaaslik daar vervaardig. Die masjien maak gebruik van 'n watergebaseerde verf, wat nie 'n negatiewe effek op die grasoppervlakte het nie.



Hoewel daar in hierdie stadium nog redelik ge-eksperimenteer word met die masjien ten einde die beste resultaat te bewerkstellig, is dit reeds met die eerste probeerslag op die 7de September, duidelik dat ons vorentoe met bane wat professioneel gemerk is, sal kan spog. Die merke wat met hierdie masjien aangebring word, behoort tussen vier en vyf weke te hou en word nie deur die grasnyer beïnvloed nie - 'n groot verbetering op ons huidige merkproses. Die bane sal

voortaan gereeld gemerk word.

Enige klublid wat 'n bydrae tot die koste van die masjien wil maak, is welkom om dit met 'n EFT-betaling (met die verwysing "baanmerkmasjien") of 'n kontantbetaling by Hermien te doen.

Gesels gerus met Ernst, Tertius of Jurg as julle meer inligting oor die masjien verlang.

Don't measure your progress by using someone else's ruler.

TWILIGHT GEMENGDE PARE begin 19 Januarie 2023. Dit word elke Donderdagmiddag vir 7 weke lank gespeel. Inskrywings kan aanlyn gemaak word by: secretary@centurion-bowls.co.za of jy kan jou naam op die lys op die kennisgewingbord plaas. Inskrywingsfoo: R300pp.

Diensrooster vir September en Oktober 2022

LW: Spel bly beperk tot die eerste 48 persone tot ongeveer mid Oktober wanneer beide perke weer beskikbaar sal wees vir spel.

Pligte vir mans sluit in die volgende: Uitsit en merk van bane, hys van vlag (en stryk na spel), uitsit van drinkwater en loting van spanne.

Pligte vir dames sluit in om Liezel te help in die kombuis indien sy hulp benodig en **bereid** wees om te help in die saal indien deur Bestuur versoek.

Indien jy op 'n spesifieke dag/maand nie jou diensbeurt kan nakom nie is dit **JOU** verantwoordelikheid om uit te ruil of iemand in jou plek te kry. **Sameroepers moet asb onderling reël.**

September 2022

Sameroeper Mans: Wim van der Waals 082 821 1958

- Matie Stander
- Theo de la Rey
- Jaco Immelman

Sameroeper Dames: Estelle de Beer 082 438 9606

- Dorina du Plessis
- Annatjie de Wet

Oktober 2022

Sameroeper Mans: Frans Human 083 7773901

- Louis Botha
- Willie Kruger

Sameroeper Dames: Bets du Plessis 0834764437

- Elsa Mostert
- Thina Stern

VERJAARSDAE IN SEPTEMBER

Hartlik geluk, geniet die dag en lekker verjaar.

1	Gert Cloete
1	Frans Human
2	Naudene Ward
3	Anita Beukes
5	Thina Stern
14	Piet Swemmer
22	Christa Roux
25	Bets du Plessis
26	Kobus Nieuwoudt
28	Jaco Immelman

Patience is not passive waiting. Patience is active acceptance of the process required to attain your goals and dreams

VERJAARSDAE IN OKTOBER

Hartlik geluk! Mag julle nuwe lewensjaar vol verassings wees.

4	Marcel le Roux
8	Freda Cloete
9	John Ralph
17	Marieta Fourie
17	Johan Meaker
18	Appie Nieuwoudt
20	Anne Ebersohn
20	Lourens Olivier
24	Dawie Hanekom
25	Annette Olivier
31	Dup du Plessis
31	Koos Schoeman

Good friends are the jewels of life, difficult to find and impossible to replace.

Die TOUCHER word gebore.

Gedurende die laat negentigs is besluit om die rolballede in te lig dmv 'n maandelikse nuusbrief. Vier persone is op hierdie komitee verkies, 2 mans en 2 vroue en moes nuuswaardighede "uitsnuffel". Dit was genoem: **Centurion Rolbalkklub se nuubrief aan al sy Lede** en het bestaan uit 'n Gedagte vir die maand, Lief en Leed, belangrike kennisgewings en ten laaste die Tegniesebeampte se insette.



Ek het die nuusbrief geskryf en Hennie het dit getik. Eers het ek dit self laat druk maar later het Mi-Joy drukkers dit vir ons gedoen. Wat 'n geskarrel om dit maandeliks betyds gereed en op die toonbank te kry want almal wou een in die hand hê.

Die twee seisoene wat ek die Presidents portefeulje beklee het, het Susan van der Merwe die Nuusbrief behartig en in September 2000 is die naam verander en is die **TOUCHER** gebore.

Dit is ons klub se kommunikasie-roete om ten eerste die lede te verwittig van belangrike gebeure, om belangrike datums onder almal se aandag te bring asook om in mekaar se lief en leed te deel.



Ten tweede is dit 'n inligtingstuk waarin rolbaletiket en reëls onder ons aandag gebring word en ook ons aandag op seker reëls en die uitvoering daarvan te vestig. Die nuwe tegnologie het gelukkig nie die Toucher gekelder nie en hy het sy plek in ons klub behou.

Dit is waar wat gesê word, TYD vlieg en so breek die tyd vir my ook aan om afskeid te neem van die "baba" wat ek grootgemaak het.

Gerrit Kamper sal voortaan die Toucher behartig en julle kan hom kontak by: 073 171 5630.

Dankie dat ek kon skryf en dankie dat jy gelees het.

Mari

Inderdaad! Tyd staan nie stil nie! Mari, baie dankie vir jou toewyding, geduld en verdraagsaamheid met die Toucher. Jou radeloosheid indien die nuuswaardighede nie daar is om nog 'n weergawe te laat verskyn nie en dan die innoverende benadering om tog iets saam te stel - tot groot dank en waardering van die lede.

Jou sg "korporatiewe geheue" van die Klub se aktiwiteite oor die jare is onskatbaar. Ons gaan dit op die Bestuursvergaderings mis. Sterkte op die pad vorentoe, veral met die ondersteuning van James met sy siekte.

MOOI LOOP

Don't limit your challenges, challenge your limits.



Louise Graham (Gerber) is op 21 Maart 1950 in Pretoria gebore waar sy aan die Afrikaanse Hoër Meisieskool matrikuleer.

Sy was n kranige atleet gedurende haar skool jare en as Tukkiestudent behaal sy haar BSc graad asook 'n Hoër Onderwys Diploma aan die Universiteit van Pretoria.

Sy werk 'n aantal jare by die Landbou Navorsingsraad, suid van Irene. In 1971 trou sy met haar sielsgenoot, Billy Graham en woon hulle die afgelope 38 jaar in Irene. Uit hierdie huwelik is 'n dogter en 'n seun gebore en in 1985

aanvaar hulle voogskap oor 'n dogter uit die Abraham Kriel Kinderhuis. Dit is 'n stille getuienis van hoe hulle harte klop.

Louise is sedert 1986 lid van Centurion Rolbalklub. Haar skoonpa, ook genaamd Billy was 'n stigterslid van Villieria Rolbalklub. Sy word deur hom afgerig en Verwoerdburg Rolbalklub word 'n "ster" ryker.

Tussen 1998 en 2014 is Louise dertien keer gekies om Gauteng Noord te verteenwoordig by Interdistrik toernooie en wen daar verskeie medaljes.

'n Ander hoogtepunt was om gedurende 1999 'n brons medalje te verower by die Spar SA Dames toernooi.

In 2003 verteenwoordig sy en Matie Stander Gauteng Noord, tydens Bowls South Africa se gemengde pare toernooi.

In 2009 speel sy in die wenspan by die Spar Woman's Classic, destyds die All Transvaal toernooi. Wat 'n prestasie!

Die Victrix Ludorum word deur die Klub aan haar toegeken en sy verower ook die dames enkel kampioenskap 'n paar keer. Menige gewone klub funksie het met haar tafelrangskikkings, 'n swierige affêre geword en ons weet, hier is 'n vrou wat nie haar talente onder die maatemmer weggesteek het nie.

Op bestuursvlak bring sy ook haar kant en dien as komiteelid en ook as keurder.

Louise is nog steeds 'n gedugte teenstander op die baan en dis 'n plesier om saam met haar te speel.

Menige hegte vriendskapsbande is die afgelope 32 jaar gesmee met spelers van Centurion Rolbalklub klub asook met spelers van ander klubs en provinsies en sy kan ook sê: Gister se mooi herinneringe is vandag se kosbaarhede.

ooOoo

Stuur asb jou nuuswaardighede aan Gerrit Kamper by kampergd9@gmail.com , praat met hom op die rolbalbaan of Klubhuis of skakel met hom by 073 171 5630

Besoek gerus ons Webwerf by: www.centurion.bowls-club.co.za

en ook by: <https://centurionrolbalklub.shutterfly.com>. (Fotos)

Neem ook kennis van die Klub se nuwe e-pos adres:

secretary@centurion-bowls.co/za

Wanneer u e-pos aan hierdie adres stuur sal dit minstens al die lede van die Dagbestuur bereik